

de variis Fortunæ & Bellonæ casibus frequenter exposita, maximas ab Hassiæ Ducibus calamitates frequenter pertulit, quemadmodum & a Saxonibus expugnata & fœda exustione deformata fuit. Reliqua hujus Landgraviatus Opida quæ multa sunt, prætereo. Hessorum autem regionem partim perluunt, partim adluunt fluvii varii, quorum præcipui, *Rhenus* quidem latus inter Meridiem & Occidentem: *Vesurgis*, i. *Wesera*, cujus fons *Weira*, è Toringico nemore profluit; *Lupia* qui in Westphaliâ transit: & *Adrana* Tacito, eum *Adernam* vocant Historiæ, hodie *Aederam* dici existimat Althamerus. *Rhoer* forte, ut scribit Ritheimerus. *Eder* ex eo facit Junius in suo nomenclatore, additque Cattorum fluvium esse, & in amnem Adam exire. In sua Batavia autem scribit eum in Fuldâ evolvi: & hoc ex Tabulis verum esse constat. Minores sunt *Lanus* seu *Lona* in Comitatu Wirgenstein fluvius (*Anden Horberg* oritur) olim Widekindi Anglorum Principis Castrum præterfluens, *Lasphe* ejusdem Comitatus Opidum adluit: *Fulda* & c. Montibus Regio undique obsita; eorum aurem nominatissimi, *Melibosi* & *Abnobi* Montes. Reliqui variis insigniuntur nominibus, uti *Kesselpers* & *Geyne Silva*: Montes, & c. Silvæ sunt plurimæ Hercyniæ portiones. Sed de Hassia quæ dicta sunt hæcenus, sufficiant. Nefas fit autem non adscribere Coronidis quasi loco quæ Aelius Eobanus Hessus in carmine gratulatorio victoriæ ad Philippum Landgravium, paucis de hujus regionis genio & situ, Incolarumque moribus tradidit.

*Qualis Hyperboreum prospectans Thracia Booten
Gradivi domus ad Rhodopen, Hemumque nivalem
Circumsusa jacet, gelidis assueta pruinis,
Gignit in arma viros duratos frigore, quique
Aut Hebræi Neslumq; bibunt, Aut Strymonis undas:
Talis & ipsa situ, talis regione locorum
Et Fluvii, Silvæque frequens, & Montibus altis
Hassia: Natura similes creat alma locorum
Ceu natos in bella viros, quibus omnis in armis
Vita placet: non ulla juvat sine Marte, nec ullam
Esse putant vitam, quæ non assueverit armis.
Quod si tranquille vertantur ad ocia pacis,
Ocia nulla terunt sine magno vana labore;
Aut duro patrios exercent vomere colles,
Aequatosque solo campos rimaunt aratris,*

*(Namque & planities segetum fecunda patentes
Explicat innumeras, & plena messe colonos
Ditat, & ipsa sibi satis est) aut ardua Sylva
Lustra petunt, Canibusque feras sectantur odoris.
Venatu genus assuetum, Genus acre virorum:
Aut leges aut fura ferunt, aut opida condunt
Fortia, non solum bello munimina: verum
Que deceant in pace etiam, oblectentque quietos.
Quid sacros memorem Fontes? quid amœna Vireta?
Quid valles ipsis certantes frugiferacis
Vallibus Aemonia? dulces quid ubique recessus
Musarum loca, confessu loca digna Dearum?
O patria gelidi fontes! o flumina nota!
O valles! o antra meis gratissima Musis!*

*carmen auctoris damnatum
permissum tamen*

H h h

Hassiam